

Na osnovu člana 70. Zakona o porezu na dodatu vrijednost ("Službeni glasnik BiH", broj 9/05 i 35/05), a u vezi sa članom 14. stav 3. Zakona o sistemu indirektnog oporezivanja u Bosni i Hercegovini ("Službeni glasnik BiH", broj 44/03 i 52/04), Upravni odbor Uprave za indirektno oporezivanje, na 55. sjednici održanoj 3. marta 2006. godine, donio je

PRAVILNIK

O IZMJENAMA I DOPUNAMA PRAVILNIKA O PRIMJENI ZAKONA O POREZU NA DODATU VRIJEDNOST

Član 1.

U članu 51. stav 1. Pravilnika o primjeni Zakona o porezu na dodatu vrijednost ("Službeni glasnik BiH, broj 93/05") riječi: "ne podliježu oporezivanju" zamjenjuju se riječima: "nisu opterećeni PDV-om".

Stavovi 2. i 3. člana 51. se brišu.

Član 2.

U članu 54. u stavu 2. tačka d) i tekst: "ako zahtjev za povrat podnose PDV obveznici iz BiH koji vrše nabavku dobara i pružanje usluga u okviru međunarodnih projekata pružanja pomoći" se brišu.

U članu 54. u stavu 6. riječi: "100 KM bez PDV-a" zamjenjuju se riječima: "200 KM uključujući PDV".

Član 3.

U članu 56. stav 2. riječi: "100 KM" zamjenjuju se riječima "200 KM uključujući PDV".

Član 4.

Član 58. mijenja se i glasi:

"Član 58.

Uvjeti za ostvarivanje prava na povrat u skladu sa međunarodnim ugovorima

- (1) Podnosilac zahtjeva za povrat, u skladu sa članom 29, stav 1., tačka 4) Zakona o PDV-u, će prilikom podnošenja prvog zahtjeva za povrat, pored dokumentacije određene članom 54. Pravilnika, priložiti i kopiju ugovora na osnovu kojeg traži povrat PDV-a.

- (2) Uprava će, po potrebi, na osnovu zahtjeva iz stava 1. ovog člana, od Ministarstva inostranih poslova tražiti podatke o nazivu međunarodnog ugovora ili sporazuma, datumu stupanja na snagu istog, da li je isti važeći, vrijednosti iz ugovora, ukoliko je ista ugovorom određena, te osnovu za povrat PDV-a.

- (3) Uprava može, po potrebi, od drugih ministarstava i institucija nadležnih za sprovođenje i nadzor nad sprovođenjem ugovora iz stava 1. ovog člana, tražiti podatke u vezi sa ugovorom zaključenim na osnovu međunarodnog ugovora, vrijednosti iz ugovora, podatke o korisniku projekta i drugim okolnostima od značaja za odlučivanje po zahtjevu za povrat."

Član 5.

U članu 132. dodaje se novi stav 2. koji glasi:

- "(2) Porezni obveznik koji prekrši obavezu popunjavanja podataka o krajnjoj potrošnji u obrascu porezne prijave podliježe novčanoj kazni u iznosu od 1.000,00 do 10.000,00 KM."

U dosadašnjem stavu 2. koji postaje stav 3. riječi "stava 1", zamjenjuju se riječima: "stava 1. i 2."

Član 6.

U obrascu PDV prijave riječi: "III. STATISTIČKI PODACI" mijenjaju se i glase: "III. PODACI O KRAJNJOJ POTROŠNJI".

Član 7.

Novi obrazac CD-PDV 1 M kojim se zamjenjuje raniji, sastavni je dio ovog Pravilnika.

Član 8.

Odredba člana 4. ovog Pravilnika primjenjuje se na zahtjeve za povrat PDV-a primljene u UIO od dana primjene Zakona.

Član 9.

Ovaj Pravilnik stupa na snagu sljedećeg dana od dana objave u "Službenom glasniku BiH".

Broj 18-11-38/06
17. marta 2006. godine

Predsjednik
Upravnog odbora
Joly Dixon, s. r.